

Passa la mesadad è dumagnada

Ils partecipants da Get-Together èn gia dapi trais emnas da viadi

■ (cp) **Gia dapi trais emnas èn ils partecipants dal project Get-Together, Inscunter da las linguas, sin viadi atras l'entira Svizra.**

Cun viandar han ils giuvens creschids entant visità tuttas quatter regiuns linguisticas e rimnà bleras interessantas impressiuns. Da bellezz'aura ha ina grupp da viandants cuntanschì Sobrio ed ha pudì giudair l'ospitalità tessinaisa. Bunamain dapertut ha la populaziun indigena surprindì ils viandants cun purschidas cordialas ed è adina sa mussada servetschàivla. Uschia era durant il di da

project ad Olivone, nua che l'incumbensà per il turissem ha envità persunalmain ad ina spassegiada. Pli pauc fortuna cun l'aura ha gè la grupp da la Svizra tudestga, quai che n'ha dentant betg gè consequenzas negativas. Suententer il di da project a Saanen/Gstaad è la retschavida da la grupp da giuventetgna a Jaun stada in punct culminant tut aparti. Ils partecipants han pudì experimentar tge che quai munta da viver sin il cunfin linguistic e co che la lingua tudestga e franzosa han in'influenza vicendaivla en questa regiun.

Naturalmain che l'1. d'avust è era vegnì festivà tar Get-Together. Ad Osco ha gè lieu ina gronda grillada ed a Spiez è la grupp stada ad in ensolver da purs.

Dumengia proxima s'inscuntan las duas gruppas da viandants ad Engelberg. Quai vegn celebrà cun in apero sponsorisà da la vischnanca. Davent dad Engelberg viandeschan ils partecipants comunablamain fin a Berna, nua che la festa da finiziun ha lieu ils 15 d'avust sin la Piazza federala. Là datti divers dalletgs musicals e culinaries.



Ina pausa bainmeritada per ils partecipants dal project Get-Together, l'inscunter da las linguas, ch'èn sin viadi atras l'entira Svizra.